

Rebecca Evans AC

Gweinidog Iechyd y Cyhoedd a Gwasanaethau
Cymdeithasol

24 Ionawr 2017

Bil Iechyd y Cyhoedd (Cymru) drafft – cais am wybodaeth

Annwyl Weinidog,

Diolch am eich llythyr dyddiedig 18 Ionawr yn ymateb i gais y Pwyllgor am eglurhad pellach o'ch penderfyniad i ostwng y cyfyngiad oedran yn y Bil mewn perthynas â rhoi twll mewn rhan bersonol o'r corff i 16 yn hytrach na 18 oed.

Mae eich llythyr yn nodi bod angen ystyried y materion a godwyd yn ein llythyr yn ofalus a'ch bod yn bwriadu ysgrifennu at y Pwyllgor unwaith y byddwch wedi cael y cyfle i archwilio'r holl faterion perthnasol yn fanwl.

O ystyried yr amser a ganiatawyd i'r Pwyllgor graffu ar y Bil, gofynnwyd ichi ymateb erbyn 25 Ionawr. Fodd bynnag, rwy'n deall yn awr na fyddwn, o bosibl, yn cael eich ymateb erbyn y dyddiad hwn.

Byddwn yn ddiolchgar pe baech yn ymateb erbyn 1 Chwefror 2017 fan bellaf, er mwyn inni fedru ystyried eich barn yn ystod ein trafodaethau terfynol ar y dystiolaeth a gyflwynwyd inni a chyn penderfynu ar unrhyw argymhellion y bydd y Pwyllgor yn dymuno'u gwneud ynghylch y mater pwysig hwn.

Yn gywir



Dr Dai Lloyd AC

Cadeirydd y Pwyllgor Iechyd, Gofal Cymdeithasol a Chwaraeon

